

為憐愍若以佛眼觀於衆生轉法輪者為破  
衆生邪惡輪故轉法輪已集衆制戒為令衆  
生得解脫故是名菩薩寂靜方便為令衆生  
得信心故未入佛法者令得入故未熟衆生  
令得熟故已熟衆生得解脫故

十六

菩薩善戒經卷第六

賢六

龕窟上苦舍反 綖思箭反 雌黃上七反 膠  
油文上音 穀牛頃上古反 傾反 璧玉上必反 讒  
言反上助 矜高上陵反 輕蔑正下莫結反 斯下正上  
作斯也 掉悔上徒反 邀戲上遊反 凝重上魚反 薩埵下  
果反 書籍亦下才反 牟犂上侯反 下音 凝重上魚反 去

循身上音 投淵下烏反

菩薩善戒經卷第七

賢七

宋別貢三藏法師求那跋摩等譯

助菩提數法餘品第十九

云何菩薩摩訶薩陀羅尼陀羅尼有四種一  
者法陀羅尼二者義陀羅尼三者辭陀羅尼  
四者忍陀羅尼法陀羅尼諸菩薩心得憶念

以念力故得大智慧大智力故知諸法界言  
辭字句堅心受持經無量世無有志失義陀  
羅尼者如法陀羅尼隨順解義於無量世受  
持不忘辭陀羅尼者菩薩摩訶薩為破衆生  
種種惡故受持神呪讀誦通利利益衆生為  
呪術故受持五法一者不食肉二者不飲酒  
三者不食五辛四者不婬五者不淨之家不  
在中食菩薩具足如是五法能大利益無量  
衆生諸惡鬼神諸毒諸病無不能治忍陀羅  
尼者菩薩摩訶薩智慧力故心樂寂靜不與  
人居嘿然不語獨處無伴於食知足食一種  
食坐禪思惟夜不眠寐時佛即以陀羅尼呪

教之令誦

乙致

蜜致

蘄致毗

羸提

般檀那

莎呵

菩薩爾時從佛受已深心觀察知字無義以無義故無有義語若無義語辭亦無義法亦無義以無義故一切諸法悉不可說義者一

切諸法無義義也以忍力故了了能知四陀羅尼以了知故則得具足忍陀羅尼以能具足忍陀羅尼故不久得成阿耨多羅三藐三菩提菩薩摩訶薩初阿僧祇劫修習行時得是法義二陀羅尼因此法義二陀羅尼修集三昧因修三昧發誓願故復得辭忍二陀羅尼菩薩若能具足四事得四陀羅尼一者不貪五欲二者於眾生中無嫉妬心三者能施施已無悔四者樂聞正法受持讀誦書寫解說菩薩法藏菩薩摩夷云何菩薩發大誓願有五種一者發心發願二者有發願三者行發願四者善發願五者大發願初發菩提心

時名發心發願為利眾生人天故名有發願為眾生故修無量心名行發願修習一切菩薩善法名善發願不惜身命護持正法名大發願菩薩若以十種供養佛法僧寶護持正法見持法者供養恭敬是名大發願菩薩摩訶薩生兜率天乃至大涅槃是名大誓願

卷七

二

菩薩摩訶薩從初發心乃至得阿耨多羅三藐三菩提是名大發願菩薩摩訶薩為度眾生遍在諸有隨而受身是名大發願菩薩摩訶薩常以大乘菩薩法藏菩薩摩夷教化眾生是名大發願菩薩摩訶薩凡所演說無不利益無善報者今生善芽是名大發願云何名為菩薩摩訶薩修空三昧菩薩深觀一切諸法有可說性是可說性不可說性中無故名空三昧云何無願三昧菩薩摩訶薩以一切法可宣說故有我有所有我有所故則名為菩薩摩訶薩破邪想故知一切法不可宣說是故不著我及我所無我無我所

故更不願求是名無願三昧云何無相三昧  
 菩薩摩訶薩知一切法不可宣說以不可說  
 故悉無一切煩惱之相以無相故名為寂靜  
 修寂靜故是名無相三昧如來何故說三三  
 時一切諸法凡有二種一者有為有二者無  
 為有有為有者謂我我所無為有者所謂涅  
 槃有為有者菩薩摩訶薩觀一切苦不生願  
 求是名無願三昧無為有者所謂涅槃菩薩  
 摩訶薩於涅槃中不生樂想是名無想無為  
 者亦有亦無是故菩薩非願非不願菩薩摩  
 訶薩見有有見無無有中無無中無有是  
 名為空菩薩爾時修空三昧得真實智如是  
 賢七  
 三  
 三昧聲聞緣覺亦修亦學而不能說一切諸  
 法不可宣說諸佛菩薩為令眾生得寂靜故  
 說是四法一切有為法無常苦無我涅槃寂  
 靜諸佛菩薩為諸眾生說是四法當知已說  
 一切法界諸法根本是名優陀那陀優那者  
 過去無量一切諸佛亦如是說能作上者名

優陀那增長善法名優陀那云何菩薩是有  
 為法悉是無常菩薩摩訶薩知有為法可說  
 無常是故一切有為無常不知真實不可說  
 故不知因果是故作相言一切法悉是生滅  
 以是過去有為亦生亦滅是故過去之法不  
 見有因不見有性以不見因性故說過去法  
 悉是無常現在法知生而不知滅現在之法  
 不見其因見果見性不滅故知性不知因未  
 來有為法不見生滅是故知因不知果不知  
 性以未生故是故菩薩知因不知性爾時觀  
 三世一一念有三相若過一念則有四相先  
 滅法已次第生相似法是名為生生已作事  
 是名為住先滅法相滅法相已見相似是名  
 為老生已不住至於二念是名為壞菩薩是  
 有為法相一種如生住老亦如是唯壞相異  
 何以故不共三相住故如是四相見有二種  
 一者有二者無有者三相無者第四相菩薩  
 見有為法不見生不見住不見老不見壞何

以故生住老壞無真性故菩薩摩訶薩見色法生色法住色法老色法壞不見生住老壞菩薩摩訶薩以方便觀不見四相方便觀者菩薩觀若離色法別有生者色法生時生亦應生若爾者一切諸法皆應二生一者色生二者生生如是二生若即法若離法若不離者則無生生若言離法別有生者是義不然若不離者爾時色無有生生因緣故生住老壞亦如是若壞自性有者當知是壞亦生亦壞若壞生者當知一切有為之法悉無有滅入滅定時心心數法常應還生色法滅時亦應還生何以故是壞生故是故諸法悉應是

賢七

四

是離有無法是名眾生無我法無我者一切諸法可說可說性無故是名法無我有如是等二種無我是故如來說有為法一切無我如是有為斷現在因障未來因是名涅槃無煩惱結故名寂靜若是菩薩以不淨心觀於涅槃聲聞未得道果觀於涅槃俱亦未實知涅槃性亦是涅槃相譬如大王為子息故刻木造作象馬鹿兔王子亦於非真實象馬作真實想是王或時讚歎象馬諸子各謂讚已象馬其後出舍見真實象馬即生慚愧我等云何於非象馬生象馬想云何於此同名同相生真實想如來亦說菩薩心不清淨聲聞之人未證道果住生死舍如來為說涅槃寂靜菩薩聲聞聞已亦生真涅槃想實不能如真涅槃也聞佛說時生心作想言是涅槃菩薩修習八正道已得淨智慧出生死舍爾乃真實知涅槃性方生慚愧我等云何於非涅槃生涅槃想譬如病人往良醫所爾時良醫為

賢七

五

彼病故隨病投藥病者得已心生歡喜作真藥想即便服之既服藥已所患雖除更發餘病爾時良醫斷先所服更與餘藥病者復言大師先藥佳良力能治病非是藥能良醫雖說如是藥好而此病者猶故不信爾時病者服藥病差方乃信藥生慚愧心佛說法時亦復如是衆生聞已壞小煩惱即便生於真實之想更起煩惱言佛無常如來復爲說甚深法雖復聞之猶不生信以本爲實菩薩若得清淨之道爾時方生慚愧之心如來實常我云何言如來無常是故如來說有爲法一切無常苦無我等涅槃寂靜

菩薩地功德品第二十

菩薩摩訶薩修菩提行有五事不可思議一者憐愍一切衆生二者爲利衆生受生死若三者以善方便調伏衆生四者發心欲知甚深難義五者欲知不可思議神足如是五法不與一切衆生共之是故得名不可思議

菩薩摩訶薩復有五事不可思議菩薩摩訶薩爲利衆生受於苦因以受苦因故得受安樂以受樂故具足成就不思議法復次菩薩觀生死過涅槃寂靜爲衆生故不樂涅槃流轉生死是名受樂以受樂故具足成就不思議法復次菩薩樂於空閑寂靜嘿然爲諸衆生演說正法是名受樂以受樂故具足成就不思議法復次菩薩摩訶薩爲衆生故行六波羅蜜亦復不求六波羅蜜果是名受樂以受樂故具足成就不思議法復次菩薩摩訶薩營他事業如造已務甘心喜樂不辭勤苦是故受樂以受樂故具足成就不思議法是名菩薩五事不可思議法菩薩復有五事於諸衆生其心平等一者初發菩提心時普爲一切非爲一人是名平等二者菩薩修大悲時普爲一切非爲一人是名平等三者菩薩修集一子地時普爲一切非爲一人是名平等四者菩薩普觀十二因緣一切等有是名

賢七

六

平等五者菩薩求阿耨多羅三藐三菩提時  
普為一切非為一人是名平等菩薩摩訶薩  
復有五事為利眾生一者教修正命二者教  
習世事方便三者見貧窮者方便教令破貧  
窮苦四者為上善者說正實道五者為三乘  
故說三乘法是名五事利益眾生有五事法  
報菩薩恩一者受持善法一切禁戒二者貧  
者受已如教修行破於貧窮三者供養三寶  
四者於菩薩所聞法受持讀誦書寫分別解  
說轉以教他五者見持法者恭敬供養菩薩  
摩訶薩行菩薩道至心立願常求五事一者  
常願世間有佛興出二者常願具足六波羅  
蜜三者常願求覓菩薩法藏菩薩摩夷四者  
常願當得解脫五者常願眷屬成就是名為  
五菩薩復有五事利益眾生如自利利他品  
中說菩薩復有五事疾得阿耨多羅三藐三  
菩提一者護法二者修行善行三者智慧力  
四者專心寂靜五者定得菩薩性是名為五

護法菩薩具足護陀羅尼從他聞法速得解  
了復次菩薩具足護念以護念故受法不志  
復次菩薩具護智慧以護智故分別法界復  
次菩薩具足護心調諸根故復次菩薩具護  
他心隨他行故是名護法修行善行者菩薩  
於法順解順說常修善法四無量心願向阿

賢七

七

耨多羅三藐三菩提是名善行智慧力者菩  
薩摩訶薩從初發心乃至得阿耨多羅三藐  
三菩提是名智慧力專心寂靜者菩薩摩訶  
薩以十淨法供養如來如上所說是名靜寂  
定得菩薩性者所謂菩薩住一子地不退轉  
地是名菩薩定得菩薩性菩薩摩訶薩有五  
事善法損滅一者不能供養於法及說法者  
二者放逸懈怠三者樂起煩惱心掉不息四  
者於同菩薩心生憍慢五者於菩薩藏顛倒  
解義菩薩有五法善法增長一者供養於法  
及說法者二者攝心精進三者所起煩惱心  
樂除滅四者於同菩薩心生恭敬五者於善

薩藏隨順解義有五事實非菩薩假名菩薩  
實非沙門假名沙門非婆羅門假名婆羅門  
不得菩薩戒不中同止一者惡性二者護毀  
禁者三者不得禪定示得禪相四者邪命自  
活五者見有智者生嫉誹謗有五事真名菩  
薩真名沙門真名婆羅門得菩薩戒得與同

止一者善性調和二耆治毀禁者三者實得  
禪定不示其相四耆正命自活五耆見有智  
耆生喜讚歎

菩薩摩訶薩教化衆生有十種一耆為破惡  
法故二者耆為知法界故三者耆不作犯故四耆  
犯已慚愧悔故五耆調伏諸根故六耆不放  
逸故七耆遠離惡知識故八耆住寂靜處故  
九耆遠離煩惱故十耆得解脫故是名為十  
授菩薩記有六事一耆定有菩薩性未發阿  
耨多羅三藐三菩提心二者耆未有菩薩性而  
發阿耨多羅三藐三菩提心三者耆有菩薩性  
亦發阿耨多羅三藐三菩提心四耆於無量

世為菩提故修行善行五耆定得阿耨多羅  
三藐三菩提不說時定六耆定得阿耨多羅  
三藐三菩提亦說時定是名為六有三事菩  
薩定得阿耨多羅三藐三菩提一耆定有性  
二者耆得不退心三者凡所作事悉為衆生生  
善法芽菩薩以是三定為佛所說菩薩摩訶

賢七

八

薩不具五事不得阿耨多羅三藐三菩提一  
耆不發菩提之心二者耆不得愍憐之心三者  
不勤精進四耆不敬重戒五耆不知一切世  
事菩薩若不具足如是五事不得阿耨多羅  
三藐三菩提若有說言離是五法得阿耨多  
羅三藐三菩提者無有是處有五事菩薩常  
所修習一耆不放逸二者耆為破衆生貧窮困  
苦三者耆供養三寶四耆至心持戒有犯尋覺  
五耆所作善事悉以迴向阿耨多羅三藐三  
菩提菩薩摩訶薩有十法勝一切法一耆菩  
薩性勝一切性二者耆初發菩提心勝於一切  
世間出世間發心三者毗梨耶波羅蜜般若

波羅蜜勝於一切諸波羅蜜四者輒語攝法勝於諸攝五者如來勝於一切衆生六者悲心勝於一切無量心七者所修四禪勝一切禪八者空三昧勝一切三昧九者滅盡定勝一切滅定十者淨方便勝一切方便是爲十法有四事唯佛菩薩獨能流布非餘沙門婆

羅門天魔梵等所能流布若從佛聞則能流布一者法流布二者實流布三者方便流布四者乘流布

法流布者次第演說十二部經

實流布者有一種謂不妄語復有二種謂世

諦第一義諦復有三種相實口實行實復有

四種謂苦集滅道復有五種一者因實二者

果實三者智實四者知境界實五者無上實

復有六種一者實實二者虛妄實三者智實

四者遠離實五者證實六者修實復有七種

一者愛實二者苦實三者解脫實四者法實

五者解實六者聖實七者非聖實復有八種

一者行苦實二者苦苦實三者生苦實四者

滅實五者煩惱實六者解脫實七者善行實

八者善果實復有九種一者無常實二者苦

實三者不淨實四者空實五者無我實六者

有愛實七者窮愛實八者斷二愛方便實九

者有餘涅槃實復有十種一者非分強作七

實二者貧斷苦實三者四大不調苦實四者

愛別離苦實五者怨憎會苦實六者業實七

者果報實八者煩惱實九者善思惟實十者

正見實是爲十法名實流布

方便流布者如方便品說

乘流布者所謂聲聞乘辟支佛乘佛乘是名

爲四

菩薩摩訶薩觀一切方便有五無量一者衆

生界無量二者世界無量三者法界無量四

者調伏界無量五者調伏方便無量衆生界

衆生界者有六十一種住喜地菩薩觀衆生

界轉爲無量世界無量者有無量名故如此



世界名為娑婆是故梵天名娑婆主法無量者善不善無記轉為無量調伏無量者有一種謂調伏故復有二種具足煩惱不具煩惱復有三種上中下根復有四種婆羅門刹利毗舍首陀復有五種多貪多瞋多癡多慢多惡覺觀復有六種出家在家未熟已熟未得解脫已得解脫復有七種一者聞已便解二者以譬喻得解三者一句一句解四者一字一字解五者現在熟六者他世熟七者隨因緣熟復有八種所謂八眾復有九種一名如來調伏二聲聞調伏三緣覺調伏四菩薩調伏五難調伏六易調伏七軟語調伏八阿責賢七調伏九輕語阿責調伏復有十種一者地獄二者畜生三者餓鬼四者欲界人天五者中陰六者色七者非色八者想九者無想十者非想非非想是名十種是五十五種觀作無量眾生界調伏界有何差別眾生界者都不分別有性無性調伏界者分別有性調伏方

便無量者如初品中說是故菩薩五種無量攝取一切方便菩薩摩訶薩欲知真實當求四事一者推物二者推名三者推性四者推分別如是四事亦如前說諸佛菩薩為眾生說法有五事一者說時即悟四諦二者說時即得解脫三者說時即發阿耨多羅三藐三菩提心四者說時得菩薩羣提五者眾生聞已受持讀誦書寫解說護持正法是名諸佛菩薩為眾生說法得大功德不可思議云何名大乘有七事大故名大乘一者法大法大者菩薩法藏於十二部經最大最上故名毗佛略二者心大心大者謂發阿耨多羅三藐三菩提心三者解大解大者解菩薩藏毗佛略經四者淨大淨大者菩薩發心已其心清淨乃至得阿耨多羅三藐三菩提五者莊嚴大莊嚴大者菩薩具足功德莊嚴智慧莊嚴得阿耨多羅三藐三菩提六者時大時大者菩薩摩訶薩為阿耨多羅三藐三菩提故三

賢七

十一

阿僧祇劫修行苦行七者具足大具足大者  
菩薩具足三十二相八十種好以自莊嚴得  
阿耨多羅三藐三菩提法大心大解大淨大  
莊嚴大時大如是六大名之為因具足大者  
名之為果有八法能攝一切大乘一者演說  
菩薩法藏說菩薩藏義說菩薩藏中諸佛菩  
薩不可思議思惟其義修習其義得具足義  
得修習果解其深義是名為八菩薩摩訶薩  
如是學者得阿耨多羅三藐三菩提菩薩修  
學菩薩菩提有十種一者性任二者入三者  
不淨心四者淨心五者不熟六者熟七者不  
定入者定尤者一生得十者現身得任性學  
戒愛阿耨多羅三藐三菩提心是名為入入  
者未得淨地名為不淨得淨地已是名為淨  
淨者未入畢竟地時名為未熟入畢竟地名  
之為熟熟者未入定地名為不定已入定地  
名之為定熟有二種一者一生得阿耨多羅  
三藐三菩提二者現身得阿耨多羅三藐三

菩提如是十種菩薩摩訶薩能受菩薩戒行  
菩薩戒是十種菩薩攝一切菩薩若能至心  
受持修行菩薩戒者是名菩薩是名摩訶薩  
是名智者是名勇健是名上仙是名佛子是  
名佛持是名大勝是名佛戒是名無畏是名  
大聖是名商主是名船師是名大名稱是名  
憐愍是名大功德是名自在是名法持是名  
不可思議是名能知十方無量世界如觀掌  
中阿摩勒果若有人言我是菩薩不受菩薩  
戒不能至心行菩薩戒然生信心當知是菩  
薩欲得阿耨多羅三藐三菩提若有人言我  
是菩薩不能至心受持菩薩戒心不生信是  
名名字菩薩久久乃得阿耨多羅三藐三菩  
提若有人言我是菩薩受持菩薩戒至心修  
行信菩薩戒是名入十種菩薩中不久定得  
阿耨多羅三藐三菩提若有人言我是菩薩  
受菩薩戒不能至心護持禁戒毀破所受心  
不生信是名菩薩旃陀羅不名名菩薩不名

賢七

十二

義菩薩

如法住菩薩相品第一

真實菩薩有五種相菩薩具足五種相故名  
真實菩薩一者憐愍心二者柔軟語三者勇  
健四者不貪五者解說深義如是五法有五  
種智一者性二者因緣三者功德果四者次

第五者攝取憐愍性者有二種一者至心二  
者如法至心者施眾安隱是名為性如法者  
菩薩摩訶薩如已樂事以施眾是名如法  
柔軟性者先意語歡喜語遠惡語利益語是  
名柔軟性勇健性者心無所畏猛健果敢能  
破眾生畏懼之想是名健性不貪性者一切  
施一切施一切施清淨施已無悔是名不  
貪性解說深義性者四無礙智是名解說深  
義性憐愍者五因緣一者受苦眾生二者行  
惡眾生三者放逸眾生四者邪見眾生五者  
樂煩惱眾生受苦眾生者常受苦惱乃至無  
有一念之樂是名受苦又有眾生雖不受苦

造身口意十惡業道如十六惡律儀是名行  
惡眾生復有眾生不行惡業不受苦惱貪著  
五欲耽樂嬉戲貪愛已身不修善法是名放  
逸復有眾生不受苦惱不行惡業亦不放逸  
為求解脫非因見因非果見果是名邪見如  
外道等復有眾生不受苦惱不行惡業亦不

賢七

十三

放逸亦不邪見具煩惱繫煩惱障故不修善  
法是名憐愍因緣以是因緣憐愍之心遂得  
增長柔軟因緣者有五種一者善先語二者  
善喜語三者善無畏語四者善淨語五者善  
教語此五因緣是柔軟語如四攝品中說不  
貪者有五因緣一者不分別施二者慧施三  
者至心施四者淨施五者如法得財施是名  
不貪五因緣施說甚深義有五因緣一者說  
修多羅甚深之義解說空義三世中陰退不  
退我我所佛性菩薩性如來涅槃三乘色造  
色十二因緣是名修多羅義二者能說毗尼  
義是犯是非犯是可悔是不可悔是輕是重

是性重是遮重是名說毗尼甚深義三者說  
摩夷義佛爾時為衆生故說名為犯為他故  
說輕作重說重作輕為令一人得懺悔故乃  
至大衆中得懺悔故是名說摩夷甚深義四  
者能自解說正義五者能知諸法名字憐愍  
功德果者菩薩慈心為諸衆生壞惡心故修

習慈心能利衆生心無悔恨常修習故得見  
世樂是故如來說慈功果毒不能害刀不能  
傷眠無惡夢諸天擁護捨此身已得生初禪  
是名憐愍功德果柔軟功德果者菩薩摩訶  
薩修柔軟語能破現在口四惡過是柔軟語  
自利利他能令衆生愛樂喜聞是名柔軟語  
功德果勇健功德果者菩薩現在能破懈怠  
受歡喜樂樂於寂靜護持禁戒心無悔恨自  
修忍辱教人行忍修諸苦行莊嚴菩提心無  
退轉是名勇健功德果不貪解說深義一一  
功德果如上所說次第者菩薩摩訶薩先修  
慈心為調衆生故次說轉語為破惡業故見

諸衆生受惡業者心不怖畏生救護故名為  
勇健為調衆生故行惠施次說不貪及以深  
義菩薩摩訶薩隨是五相攝六波羅蜜憐愍  
相者攝禪波羅蜜柔軟語者攝尸波羅蜜般  
若波羅蜜勇健相者攝毗梨耶波羅蜜羸提  
波羅蜜般若波羅蜜不貪攝檀波羅蜜說甚

賢七

十四

深義攝般若波羅蜜檀波羅蜜

如法住禪品第二

菩薩摩訶薩若在家若出家俱有四法有能  
修學即得阿耨多羅三藐三菩提行善業方  
便憐愍衆生善業方便者為波羅蜜故修善  
行專心行常行淨行善行者菩薩若有財物  
施乞者時不觀有恩不觀無恩不觀福田及  
非福田雖有人天沙門婆羅門不能沮壞善  
薩施心是名善行專心行者菩薩施時有來  
求者捨内外物一切施與心無貪吝是名專  
心施常行者菩薩施時有來乞者不觀時與  
非時隨得隨施是名常行淨行者菩薩施時

有來乞者不以名譽故施非為天樂故施如  
 施品中說是名淨行如施四事尸波羅蜜羸  
 提波羅蜜毗梨耶波羅蜜禪波羅蜜般若波  
 羅蜜亦復如是云何菩薩善方便若有生心  
 欲破佛法為調伏故行善方便欲令中人入  
 佛法故行善方便雖入未熟為令熟故行善  
 方便入已既熟令得解脫故行善方便菩薩  
 為說世間醫方技術諸論行善方便為欲至  
 心受菩薩戒堅持不毀故行善方便善願方  
 便聲聞乘方便辟支佛乘方便大乘方便此  
 中方便能作五事初四方便為利益衆生行  
 世術方便為破邪論菩薩受持菩薩禁戒終  
 不毀犯設犯隨懺善發願方便隨所欲事即  
 能得之菩薩三乘方便隨根說法是故菩薩  
 如是十種方便能作五事以五事故具足必  
 定能得世間一切之事若現在若他世云何  
 菩薩利益於他如四攝品中說云何菩薩善  
 發願菩薩所作一切善業若過去未來現在

不求餘果唯求無上菩提道果是名善發願  
 如來若為出家在家說戒一切攝取如是四  
 事若出家在家菩薩若過去未來現在受持  
 菩薩戒悉得阿耨多羅三藐三菩提出家菩  
 薩勝於在家何以故出家菩薩獲得一切菩  
 薩禁戒在家菩薩不得菩薩一切禁戒出家  
 菩薩能行寂靜清淨梵行在家菩薩不能修  
 行清淨梵行出家菩薩能行三十七品在家  
 菩薩不能修行三十七品出家菩薩解脫一  
 切世間之事在家菩薩為世間事之所繫縛

菩薩善戒經卷第七

賢七

鞞致上居且佛略下力嬉戲上許之